

居易錄

一函
八冊

居易錄卷二十二

濟南 王士禎 著

沙門自魏晉已來依師爲姓道安尊釋迦乃以釋爲氏後見阿含經云四河入海無復河名四姓沙門皆稱釋種自是遂爲定式右沙門稱釋之始程大昌雍錄曰葱嶺之西餘國冠昭武爲姓者皆釋種也錢牧翁釋迦方誌辨云釋種者卽刹利帝王種釋姓最貴中天竺王奕世君臨居四天竺之會其散而之四方者王曰塞王民曰塞種人引顏師古漢書注釋塞聲相近本一姓也

予昔使粵過韶州得曹溪誌讀之載靈通侍者事侍者嗜酒今銅像侍立祖肉身旁像頂布帽鄉人日盛一鉢酒供之供後酒化水布帽欹側考牧齋有學集侍者占城國王太子也父王遣太子及其臣五人來曹溪請六祖往彼國供養祖不許太子五臣俱立化於海濱今南華山門外有相公祠太子旣化復現身爲侍者獨不戒酒祖許之後得法去畱一鉢寺中憨山大師入山爲衆授戒又爲文啓祖座前使侍者斷酒因碎其鉢是後或以酒供之酒不成水帽不復側曹溪有室女發願繡千佛衣一襲奉供憨山大師衣

成而師已遷化衣畱寶林庫及師肉身自廬山還曹
溪出龕時紫繒羅衣見風而碎遂取此衣衣之光彩
如新在庫已二十二年矣衆謂此女願力所致

二則記於此補

皇華紀
聞之闕

先十七從祖齊音有晏公廟詩自敘謂本江中棕繩
爲怪許旌陽以法印擊之中額遂稱正神云按國憲
家猷載猪婆龍事有老漁語衆云問其姓曰晏也如
其言上河江岸成太祖悟曰昔救我於覆舟山是云
晏公遂封神霄玉府晏公都督大元帥命有司祀之
不云棕怪也

予嘗疑晦菴議論多偏讀灼艾集益信其言曰朱文
公談道著書百世宗之愚觀其評論古今人品誠有
違公是而遠人情者王安石引用姦邪傾覆宗社元
惡大憝也乃列之名臣錄稱其道德文章夫文章可
也焉有引用姦邪而可名爲道德耶蘇文忠公文章
忠義古今所共仰也乃極詆之謂得行其志其禍甚
於安石以安石之姦則末減其已著之罪以文忠之
賢則巧索其未形之藏不特此也秦檜之姦人皆欲
食其肉者也乃稱其有骨力岳忠武之死人盡爲垂
涕者也乃譏之爲橫漢儒董賈之流皆議其疵匡衡

之言頗純粹無疵則云匡衡好懷挾其不成人之美
例如此以至諸葛忠武侯則名其爲申韓陶靖節則
譏其爲莊老韓文公則文致其大顛往來之書疊疊
千言必使之不爲全人而後已古人云君子當於有
過中求無過不當於無過中求有過朱子語錄論人
皆於無過中求有過者也

云云

宋吳處厚許蔡確車蓋亭詩小人也又宋史直筆言
其因神宗闕嗣上書請立程嬰公孫杵曰廟優加封
爵語極不經然神宗納其言詔封嬰成信侯杵曰忠
智侯立廟絳州其誕妄如此又按程篁墩集藏山在

太原府孟縣北五十里春秋程嬰公孫杵臼藏趙孤
於此故名。有聖水。宋立廟。乃在絳州。與此異。

八月初三日。戶部左侍郎蔣弘道接出。

上諭略

曰

朕撫馭寰宇。早夜孜孜。以實惠及民。俾登康

阜。爲念廣西四川雲南貴州四省俱屬邊地。土壤磽
瘠。民生艱苦。與腹內舟車輻輳。得以廣資生計者不
同。朕時切軫懷。歷歲以來。屢施恩恤。茲念育民

之道。無如寬賦矧邊省地方。非再沛優恤之恩。則閭
閻無由充裕。所有康熙三十三年四省應徵地丁銀
米。着通行蠲免。仍行文督撫。徧加曉諭。務令人沾實

澤以稱

朕加惠遠省民生至意

廣西銀三十七萬有奇
米七萬八千有奇四川

銀一十八萬八千有奇米一萬三千有奇雲南銀一十六萬九千有奇
米二十八萬四千有奇貴州銀六萬三千有奇米十萬五千有奇

咸和五年石勒稱天王奉佛圖澄彌加敬號曰大和尚今沙門出世領衆者例稱大和尚蓋自澄始

禮部題覆國子監請廣八旗中額疏查庚午順天鄉試滿洲蒙古原取中舉人十名今增六名共取中舉人十六名漢軍原取中舉人五名今增三名共取中舉人八名辛未會試滿洲蒙古原取中進士四名今增二名共取中進士六名漢軍原取中進士二名今增一名共取中進士三名奉旨依議自康熙三

十二年癸酉科始

雲谿友議載李翱在潭州席上有妓舞柘枝者顏色

憂悴問知爲蘇州韋中丞女殷堯藩當筵贈詩云姑

蘇太守青蛾女流落長沙舞柘枝

云

李乃於賓榻中

選士而嫁之輟耕錄載姚燧官翰林學士日玉堂設

宴歌妓中一人秀麗閑雅微操閩音叩之泣而訴曰

妾建寧人真西山之後也遂白丞相三寶奴爲落籍

嫁小史黃埭嘉興貝闕有詩記事云妾本建寧女遠

出西山翁

云

此皆好事者爲之媚嫉君子污巖大賢

亦猶南渡小人傾朱晦翁至有帷簿不修之謗可謂

無忌憚之尤者矣友議出范攄手鄙俚不足道陶宗儀元末名士乃亦爾可怪也

律八議條下罪至死者唯云准犯依律合死不正言

云取自

云上裁近自吏部侍郎胡簡敬貴州巡撫

都御史衛旣齊二案九卿詹事科道會議

上聞

始變此例注云所以使應議之人咸知自重而不犯法也仍當依律爲得體

九月十六日

上諭江浙二省今年憂旱雖不成

災秋收量必有限若漕糧照常徵收起運恐民食將至匱乏朕爲此常切軫念除浙江漕糧已經改于今

年蠲免外其江南漕糧今年或三分免一或免一半
俟至該省應蠲年分將今年所免米石照數補徵起
運於漕糧既無缺少官民大有裨益着滿漢大學士
等會同戶部堂上官倉場侍郎等作速確議具奏次
日士禎同戶部尚書馬齊王鵬左侍郎蔣弘道總督
倉場侍郎常書等赴內閣會議得江南今年漕糧應
遵 上諭蠲免十分之三先是三十年十二月奉

上諭遞蠲河南湖廣江西浙江安徽蘇松山東
等各省漕糧今年已蠲江西漕米五十六萬三百石
有奇嗣以浙江旱災部覆巡撫張鵬翮疏准將康熙

三十三年之蠲免移於三十二年又蠲米七十萬四千九百石有奇江南又蠲三分之一上下江共計米五十四萬七千九百九十石有奇浩蕩之恩振古罕觀漢之賜租何足道哉士禎適備員度支目覩

皇上憂民之切如此因恭紀以示後來

按各省漕糧額數每年共米三百五十六萬九千二百五十五石今康熙三十二年江西蠲米五十六萬三百七石零浙江預蠲米七十萬四千九百七石零江南預蠲三分之一計米五十四萬七千九百九十四石三省共約蠲一百八十一萬二千石有奇京通

各倉現存歷年支剩米八百三十萬五千五百二十石有奇每年應支官俸兵餉米計二百八十七萬五千六百石

陳君說康熙癸酉黃旗下一撥什庫家有一女年四歲矣女初生時其室書櫥中忽有金石絲竹之音日夜不絕屢延法師禳之不效是歲重九前女忽告其父母曰兒將歸矣遂示疾一日櫥中如搗鼓聲震動屋瓦疾風自內出舉家駭頃之女卒矣

癸酉鄉試江南以少詹事李錄予爲正考前此所無
稽河南臨子敬十三行有宣和書寶後有清和堂圖

書印晉府圖書之印內府書印鈴山堂印天籟閣小
印尾又有晉府圖書之印 獻之洛神賦遺跡頭尾
外得一十三行都二百字重加整背祥符八年八月
十日周越記又括蒼周采觀熙寧十年九月廿七日
三衢官舍書又梁丘孫亞夫熙寧丁巳仲冬十一日
雙檜堂觀又建康王旂武林張彥中吳興茅鐔同觀
於清心堂元祐丙寅秋七月二日又三茅翁丁卯八
月八日觀不書年號禾郡項氏故物也

癸酉夏鄒平民家婦薛氏者娠十二月矣腹中脹痛
不可忍啾啾有聲日漸骨立臨蓐有物蜿蜒而下則

蛇也凡下二十四其婦竟無恙前數年長山黃莊有少年入智井探雀鰈得一卵含置於口其卵不覺嚙下久之腹中啾啾有聲見肉則吞啖不休食兼數人一日之舅家食肉畢倦寢几上有餘肉舅見少年口中一蛇出半身直向盤中啖肉急掣之蛇墮地鬚髮甦可畏乃殺之少年絕而復甦服藥半載始愈

以襄陽米水運至商州累民有

旨停罷

李厚菴

光地

司馬說泉州僧定因者膂力絕人尤精少

林拳棍弟子習其伎者數百人每有遠行輒煮米數斗盡食之途中可數日不食時漳州有虎饕甚食人

畜亾算太守必欲殪之集兵士丁壯千人持利械以
往虎負嵎眈眈無敢近者定因適以事至衆望見之
譟曰事濟矣羣走告之定因曰殺虎易耳顧此虎非
他比須鐵鉞五十斤者乃足制之耳遍試無當意者
僅一纔滿十五六斤曰此稍可耳然不能制其死命
須弟子一人同行乃可以槍授弟子已持鐵鉞先之
未至十步外虎怒騰起數丈直取定因者三皆避之
急以鉞擊虎首虎哮吼鉞折急呼弟子以槍刺之自
喉達尻虎立斃官重賞之不受而去時臺灣方竊據
漳泉間拳勇少年多往從之往往得官定因不屑也

或厚遺之亦隨手散去卒以老壽終

以兵部督捕右理事官顧藻爲內閣學士兼禮部侍

郎

內閣學士王尹方終養歸

有旨停止今年秋決其可矜者仍分別減等以

聞

十月初一日

頒康熙三十三年時憲曆於午門

是日琉球貢使行禮

初三日

皇太后聖誕

皇上率

東宮諸

皇子諸王行禮其未入八分公已下尚書已下百官

行禮於午門